



REPUBLIKA E KOSOVËS / REPUBLIKA KOSOVA

GJYKATA THEMELORE GJILAN

Numri i lëndës: 2020:117454

Datë: 11.12.2020

Numri i dokumentit: 01336801

**P.nr. 605/2020**

**NË EMËR TË POPULLIT**

**GJYKATA THEMELORE NË GJILAN, Departamenti i Përgjithshëm**, përmes gjyqtarit të vetëm gjykues Behar Ymeri, me procesmbajtësin Ismajl Sherifi, në çështjen penale ndaj të pandehurit R.A, me vendbanim në fshatin K... K. ..., për shkak të veprës penale Lëndim i lehtë trupor nga neni 185 paragrafi 1 nën paragrafi 1.4 të KPRK-s, i akuzuar sipas aktakuzës të Prokurorisë Themelore në Gjilan, PP.II.nr.1397/2020, të datës 21.09.2020, të cilën e përfaqëson prokurori Shefik Memeti, pas mbajtjes së shqyrtimit fillestar dhe publik, më datën 08.12.2020, mori dhe publikisht shpalli këtë:

**A K T G J Y K I M**

I pandehuri R. A i lindur më ..., me numër ..., i biri i R.A dhe nënës A. A, e gjinisë R...me vendbanim në fshatin ..., Komuna ..., i gjendjes ekonomike së mesme, i martuar, Prind i dy fëmijëve, ka të përfunduar shkollën fillore, kontakti: 049-..., shqiptar, shtetas i Republikës të Kosovës i pa dënuar më parë dhe nuk udhëhiqet procedur tjetër penale.

**ËSHTË FAJTOR**

Sepse me datë 27.08.2020, rreth orës 20.20 minuta, në fshatin ... K. ..., i pandehuri në oborrin e shtëpisë së tij pas një mosmarveshje lidhur me prerjen e malit me të dëmtuarin B. Xh me dashje i ka shkaktuar lëndime trupore, në atë mënyrë që pas një konflikti verbal e shtyen me duar të dëmtuarin B..urhan i cili rrëzohet në një gomë traktori dhe pëson lëndime trupore dhe detyrohet të kërkoj ndihmë mjekësore në Emergjencën e Spitalit Regional në Gjilan, me nr. të raportit ...të datës 27.04.2020.

me çka ka kryer veprën Lëndim i lehtë trupor nga neni 185 paragrafi 1 nën paragrafi 1.4 të KPRK-s.

Andaj, gjykata në bazë dispozitës së lartcekur ligjore dhe neneve 4, 38, 43, 69,70,71 dhe 72 të KPRK, si dhe nenit 365 të Kodit të Procedurës Penale (KPP), të akuzuarin:

**E G J Y K O N**

**I.** Të akuzuarit R.A, i shqiptohet dënim me gjobë në shumë prej 300 € (treqindë euro), të cilën gjobë do ta paguaj në afat prej 60 ditëve, pas plotfuqishmërisë të këtij aktgjykimi.

**II.** Nëse i pandehuri refuzon të paguajë dënimin me gjobë ose nuk është në gjendje ta paguaj atë atëherë dënimi me gjobë me pajtim me të pandehurin zëvendësohet me punë në dobi të

përgjithshme ashtu që 8 (tetë) orë të punës do të barazohen me 20.00 € (njëzet euro) ndërsa nëse i pandehuri nuk pajtohet me zëvendësimin e dënimit me gjobë në punë në dobi të përgjithshme atëherë dënimi me gjobë do të zëvendësohet në dënim me burgim në atë mënyrë që për çdo 20.00 € (njëzet euro) do ti caktohet një ditë burgim.

**III.** Obligohet i pandehuri që të paguajë shpenzimet e procedurës penale për konstatimin mjekësor shumën prej 20.00 € (njëzetë euro) dhe paushallin gjyqësor në shumën prej 20.00 € (njëzetë euro) në afat prej 15 ditësh pas plotfuqishmërisë së këtij aktgjykimi, nën kërcënimin e përmbarimit të dhunshëm.

## ARSYETIM

### 1. Rrjedha e çështjes dhe fjala përfundimtare e palëve

Prokuroria Themelore në Gjiilan, Departamenti i Përgjithshëm, me datë 21.09.2020, ka ngritur aktakuzën PP.II.nr.1397/2020, kundër të akuzuarit R. A nga fshati ..., K. ... për shkak të veprës penale Lëndim i lehtë trupor nga neni 185 paragrafi 1 nën paragrafi 1.4 të KPRK-s.

Në shqyrtimin fillestar dhe publik të datës 08.12.2020 prezent ishin prokurori i shtetit Shefik Memeti, i dëmtuari B. Xh dhe i pandehuri R.A ku i pandehuri pas leximit të aktakuzës nga ana e prokurorit të shtetit ka deklaruar se e pranon fajsinë për kryerjen e veprës penale sipas dispozitivit të aktakuzës.

### 2. Vlerësimi i pranimi të fajësisë

Në shqyrtimin fillestar dhe publik, gjyqtari i vetëm gjykues pas dëgjimit të prokurorit të shtetit, dhe të dëmtuarit, ka marrë aktvendim me të cilin ka pranuar fajësinë e të pandehurit R. A për kryerjen e veprës penale për të cilën akuzohet, ngase ka konstatuar se janë plotësuar gjitha kushtet ligjore për një gjë të tillë. Në këtë aspekt gjyqtari i vetëm gjykues ka konstatuar se i pandehuri e ka kuptuar drejtë natyrën dhe pasojat e pranimi të fajësisë, se pranimi i fajësisë është bërë vullnetarisht, se i pandehuri nuk ka qenë i detyruar as i shtrënguar në asnjë mënyrë që të pranojë fajësinë, se pranimi i fajësisë mbështet në faktet e çështjes të cilat i përmban aktakuza dhe se aktakuza nuk përmban ndonjë shkelje ligjore e as gabime faktike.

### 3. Gjendja faktike e vërtetuar

Andaj, duke u bazuar në këto që u cekën më lart, gjykata e ka vërtetuar këtë gjendje faktike, duke u bazuar në format e kualifikuara të kësaj vepre, ekziston fakti se i pandehuri R. A ka kryer veprën penale Lëndim i lehtë trupor nga neni 185 paragrafi 1 nën paragrafi 1.4 të KPRK-s, në kohën, vendin, dhe mënyrën e përshkruar si në dispozitiv të këtij aktgjykimi.

### 4. Elementet e veprës penale

Gjykata, pas dëgjimit të deklaratave të palëve lidhur me dënimin, ka shpallur fajtor të akuzuarin R. Apër shkak të veprës penale Lëndim i lehtë trupor nga neni 185 paragrafi 1 nën paragrafi 1.4 të KPRK-s. Ngase veprimet e të njëjtit i përmbajnë të gjitha tiparet e veprës penale dhe se për të njëjtën është dhe penalisht përgjegjës.

### 5. Rrethanat që janë marrë për bazë me rastin e shqiptimit të dënimit

Gjyqtari i vetëm gjykues, me rastin e shqiptimit të dënimit duke u bazuar në nenit 69,70,71 dhe 72 të KPRK-s, ka vlerësuar se duhet të pranohet pranimi i fajësisë nga ana e të akuzuarit R A dhe të njëjtit ti shqiptohet dënim me gjobë, ngase duke i marrë parasysh të gjitha rrethanat dhe provat ky dënim do të jetë dënim i drejtë dhe në harmoni me peshën e veprës penale, ashtu që për të akuzuarin R. A si rrethanë posaçërisht lehtësuese ka marrë faktin se i akuzuari ka pranuar fajësinë për veprën penale për të cilën akuzohet, më parë nuk ka kryer vepra penale

dhe ka premtuar që në të ardhmen nuk do të kryej vepra tjera penale, dhe se i njëjti është penduar, i ka kërkuar falje të dëmtuarit, ndërsa si rrethana rënduese gjykata mori lëndimin trupor e të dëmtuarit dhe rrezikshmërinë shoqërore të veprës penale.

6. Shqiptimi i dënimit në harmoni me peshën e veprës penale dhe me shkallën e përgjegjësisë penale të akuzuarit dhe qëllimi i dënimit të shqiptuar

Sipas bindjes së gjyqtarit të vetëm gjykues dënimi i shqiptuar ndaj të akuzuarit R.A duke marr parasysh rrethanat e përmendura më lartë është dënim i drejtë dhe në harmoni me peshën e veprës penale dhe shkallën e përgjegjësisë penale të akuzuarit.

Gjyqtari po ashtu ka konstatuar se me këtë dënim mund të arrihet qëllimi i dënimit nga neni 38 të KPRK-s, i cili konsiston në parandalimin e të akuzuarit nga kryerja e veprave penale dhe rehabilitimin e tij, parandalimin e personave të tjerë nga kryerja e veprave penale, shprehja e gjykimit shoqëror për veprën penale dhe ngritjen e moralit dhe forcimin e detyrimit për respektimin e ligjit.

7. Vendimi mbi shpenzimet e procedurës penale

Duke e pasur natyrën e kësaj çështje penale dhe gjendjen financiare e të pandehurit, gjykata, duke u bazuar nënin 453 paragrafi 1 të KPP, ka vendosur që të pandehurin ta detyrojë për të paguar shpenzimet e procedurës penale, dhe paushallin gjyqësor në afat prej 15 (pesëmbëdhjetë) ditëve, nga dita kur ky aktgjykim të bëhet i formës së prerë.

**GJYKATA THEMELORE NË GJILAN**  
**Departamenti i Përgjithshëm**  
**P.nr. 605/2020, Me datë 08.12.2020**

**Procesmbajtësi**  
Ismjal Sherifi d.v

**Gjyqtari**  
Behar Ymeri d.v

**KËSHILLA JURIDIKE;**Kundër këtij aktgjykimi mund të paraqitet ankesë në Gjykatën e Apelit në Prishtinë / Departamentit të përgjithshëm në afat prej 15 ditëve nga dita e pranimit e të njëjtit. Ankesa në kopje të mjaftueshme i paraqitet kësaj gjykate.